

**O‘zbekiston Respublikasi Prezidentining 2022 yil 7 martdagi
PF-87-sonli Farmoni ijrosi bo‘yicha**

MA’LUMOT

Davlatimiz Rahbarining mazkur Farmoni ijrosi yuzasidan quyidagi ishlar amalga oshirildi.

Jumladan:

I. Qo‘mita faoliyatini samarali tashkil etish yo‘nalishida:

1) 35 ta qonunchilik hujjati, shundan **7 ta** qonun, O‘zbekiston Respublikasi Prezidentining **10 ta** hujjati, Hukumatning **18 ta** qarori loyihalari **ishlab chiqildi**.

Bugungi kunga qadar **15 ta qonunchilik hujjati**, shundan, **1 ta** Qonun (o‘zgartirishlar bilan), O‘zbekiston Respublikasi Prezidentining **5 ta** hujjati va Vazirlar Mahkamasining **9 ta** qarori **qabul qilindi** va ijroga qaratildi.

2) “Oila va xotin-qizlar” ilmiy tadqiqot instituti tomonidan mahalla xotin-qizlar faollari uchun **15 ta uslubiy qo‘llanma va ommabop risolalar** tayyorlandi.

Oila va xotin-qizlarni qo‘llab-quvvatlash borasida **10 ta** mutasaddi vazirlik va idoralar bilan hamkorlik Memorandumi va **7 ta** qo‘shma dastur tuzildi va amaliyotga joriy etildi.

3) Qo‘mita tizimini malakali kadrlar bilan ta‘minlash maqsadida ochiq tanlov natijalari asosida jami murojaat qilgan **47 590 nafar** nomzod orasidan Qo‘mita markaziy apparatiga **49 nafar**, hududiy bo‘linmalar boshliqlari lavozimiga **208 nafar**, mahallalardagi xotin-qizlar faoli lavozimiga **9 370 nafar munosib nomzodlar saralanib**, o‘rnatilgan tartibda lavozimlarga tayinlandi.

Ushbu lavozimga tayinlangan xodimlarda **boshqaruv ko‘nikmalarini shakllantirish va ish faoliyati samaradorligini oshirish maqsadida** Davlat boshqaruvi akademiyasi bilan hamkorlikda **3 bosqichli o‘quv kurslari** tashkil etildi.

4) Respublikamizning 17 mln 630 ming 590 nafar xotin-qizlari haqidagi ma‘lumotlarni qamrab olgan yagona baza **“xotin-qizlar balansi”**ni shakllantirish bo‘yicha **“Xotin-qizlar.uz” platformasi** yaratildi.

Mazkur platformada, "Ayollar daftari"ni yuritish, "Ayollar balansi"ni shakllantirish, oliy ta‘lim muassasalariga qo‘shimcha davlat granti asosidagi qabul ko‘rsatkichlari doirasida ehtiyojmand oilalardagi xotin-qizlarga tanlovda ishtirok etish hamda mutaxassisligi bo‘yicha kamida besh yil mehnat stajiga ega bo‘lgan xotin-qizlarga Qo‘mita tomonidan tavsiyanoma berish **tizimlari joriy etildi**.

Bundan tashqari, **Qo‘mita tomonidan** xotin-qizlarning har birini orzu-istaklari, muammolarini o‘rganish va to‘liq ma‘lumotlar bazasiga ega bo‘lish maqsadida **17 ta** yo‘nalish va **138 ta** ma‘lumot bazasini o‘z ichiga olgan **“Xotin-qizlar balansi”** yaratildi.

Bugungi kunga qadar mahalla xotin-qizlar faollari tomonidan “fuqarobay” olib borilgan o‘rganishlar natijasida **507 776 ta** muammo aniqlandi, ularning **466 639 tasi** hal etildi.

4) Mahallalardagi xotin-qizlar faollari faoliyatining eng muhim samaradorlik ko‘rsatkichlari belgilandi.

Tahlil natijalariga ko‘ra, bugungi kunda:

– Sirdaryo, Toshkent, Jizzax viloyatlari xotin-qizlar faollarining faoliyati natijadorligi **86,9** va **89,9 ballni**;

– Navoiy, Andijon, Qoraqalpog‘iston Respublikasi, Xorazm, Namangan, Buxoro, Samarqand, Farg‘ona, Qashqadaryo, Surxondaryo viloyatlari, Toshkent shahar xotin-qizlar faollarining faoliyati natijadorligi **90,1** va **93,8 ballni** tashkil etdi.

Mahalla xotin-qizlar faollarining **7 843 nafari 85-100 ball, 1 459 nafari 70-85 ball, 67 nafari 59-70 ball** olgan.

5) Obro‘-e‘tiborli va hayotiy tajribaga ega bo‘lgan, faol va tashabbuskor ayollarning sa‘y-harakatlarini bir g‘oya va bir maqsad ostida birlashtirish maqsadida “Oqila ayollar” harakati tashkil etildi va bugungi kunda ularning soni **150 000 nafardan oshdi**.

Jumladan, respublikada **50 nafar,** viloyatlarda **50 nafardan 714 nafar,** tuman (shahar)larda **30 nafardan 6 262 nafar** hamda har bir mahallada **15 nafardan 140 ming 593 nafar, jami 147 ming 619 nafar** oila va xotin-qizlar ma‘naviyatini yuksaltirishda jamoatchilikka tarbiyaviy ta‘sir ko‘rsata oladigan faol va tashabbuskor ayollar jalb etildi.

111 241 ta ko‘chalarda faollar ishtirokida **saylovlar o‘tkazilib, 118 195 nafar “Ko‘chaboshi” va “Uyboshi” ayollar** saylab olindi, bugungi kunda **“Ko‘chaboshi ayollar”** hamda **“Oqila ayollar”** harakatlarining quyi bo‘g‘indagi faoliyati o‘zaro uyg‘un holda ish olib bormoqda.

II. Xotin-qizlarning ta‘lim va kasbiy ko‘nikmalar olishlari, munosib ish topishlariga ko‘maklashish, tadbirkorligini qo‘llab-quvvatlash, iqtidorli yosh xotin-qizlarni aniqlash va ularning qobiliyatlarini to‘g‘ri yo‘naltirish yo‘nalishida:

1) Joriy yilda, ehtiyojmand oilalardagi ilmga intilgan xotin-qizlarni qo‘llab-quvvatlash maqsadida **xotin-qizlar.uz** platformasi orqali **84 104 nafar** ehtiyojmand xotin-qizlarning **35 689 nafariga** tavsiyanomalar berildi.

2) Ilk marotaba mutaxassisligi bo‘yicha kamida besh yil mehnat stajiga ega bo‘lgan, lekin oliy ma‘lumotga ega bo‘lmagan 29 ming 531 nafar xotin-qizlarni imtiyozli asosda davlat oliy ta‘lim muassasalariga o‘qishga qabul qilish maqsadida **xotin-qizlar.uz** platformasi orqali arizalari qabul qilindi va ular orasidan normativ hujjatlar mezonlariga to‘g‘ri kelgan **28 ming 664 nafariga** tavsiyanoma berildi.

3) Barcha hududlarda “INNOWOMENWEEK”, “Hududning 100 nafar ixtirochi ayoli” innovatsion haftaliklari o‘tkazildi. Tadbirlarga **15 ming nafar**dan ortiq olima ayollar jalb etildi.

Ushbu haftaliklar doirasida **190 ta** konferensiya, ilmiy-amaliy seminar, tanlov va xotin-qizlarning innovatsion ishlanmalarining ko'rgazmalari, **94 ta** seminar-trening, **15 ta** "Ayollar festivali" hamda **175 ta** davra suhbat va turli tadbirlar tashkil qilindi.

Janubiy Koreya davlatida o'tkazilgan "KIWIE - 2022" xalqaro ko'rgazmasi doirasida tashkil etilgan tanlovda ishtirok etgan yurtimiz olimi ayollari **1 ta maxsus sovrin (Gran-pri)**, **6 ta oltin**, **6 ta kumush** va **3 ta bronza** medallarini qo'lga kiritishdi.

4) O'zbekiston Respublikasi Prezidentining **2022 yil 29 iyundagi PQ-300-son** qaroriga asosan mahallalarda ijtimoiy xizmatlarni ko'rsatish va ijtimoiy himoyaga muhtoj oilalarga yordam berish ishlarini yangi bosqichga ko'tarish hamda xotin-qizlarni kasbga o'rgatish ishlarini yanada jadallashtirish maqsadida **kompleks yondashuv asosida ijtimoiy xizmatlarni ko'rsatish tizimi** yaratildi.

Mahallalardagi xotin-qizlar faollari va **16 ta** ijtimoiy himoyaga mas'ul vazirlik, idoralarning **4,4 ming nafarga yaqin** mutaxassisleri ushbu xayrli ishga mas'ul etib belgilandi.

"Ijtimoiy himoya yagona reestri" axborot tizimi negizida "**Mahallada ijtimoiy xizmat**" avtomatlashtirilgan maxsus elektron moduli ishlab chiqildi va tajriba-sinov sifatida **Surxondaryo viloyatining** mahallalarida joriy etildi.

Ayni paytda respublika bo'yicha **2 mln. 670 mingga yaqin** oilalar o'rganildi, ulardan **192 536 ta** ijtimoiy xizmatga ehtiyoji mavjudlari aniqlanib, **165 ming 320 tasi** ijobiy hal etildi, **85 mingdan** ortig'i o'rganish jarayonida.

5) Joriy yilning o'tgan davri mobaynida **528 mingga yaqin** xotin-qizlar bandligi ta'minlandi.

6) "Xotin-qizlar balansi" ga ishlash istagi bor **525 mingdan ziyod** vaqtincha **ishsiz xotin-qizlar** kiritilgan bo'lib, ularning **150 mingga yaqini rasman ishsiz** sifatida ro'yxatga olingan (**375 mingdan ortig'i norasmiy band**).

7) **Ayollar tadbirkorligi dasturlari** doirasida **285 mingga yaqin** loyihalarga **6,4 trillion so'm** kredit va subsidiyalar ajratildi.

Jumladan, Oila va xotin-qizlarni qo'llab-quvvatlash maqsadli jamg'armasi tomonidan **10 647 nafar** tadbirkorlik faoliyatini yo'lga qo'ymoqchi bo'lgan xotin-qizlarga Halq bankidan imtiyozli kredit olish uchun **100,0 mlrd. so'm** resurs mablag'lari ajratildi.

8) Tadbirkorlik faoliyatini boshlash istagida bo'lgan **89 mingdan ortiq xotin-qizlar tadbirkor sifatida davlat ro'yxatidan o'tkazildi** va bugungi kunga qadar ushbu tadbirkor xotin-qizlar tomonidan **173 165 ta** yangi ish o'rin yaratildi.

9) **195 mingdan ziyod** ayollar, shundan **66 ming 255 nafari** Xotin-qizlar tadbirkorlik markazlarida, **39 ming 446 nafari** nodavlat ta'lim muassasalarida kasb-hunar va tadbirkorlikka o'qitildi.

Markazlar faoliyatini tashkil etish uchun Oila va xotin-qizlarni qo'llab-quvvatlash maqsadli jamg'armasi tomonidan **7,7 mlrd. so'm** moliyalashtirildi.

10) Xotin-qizlar bandligini ta'minlashda Samarqand viloyatida "**Bir hunarmandga o'nta shogird**" tashabbusi ilgari surildi va natijada "**Usta-shogird**"

an'anasi bo'yicha **7 ming 941 nafar** hunarmand ayollar aniqlandi. **21 ming 601 nafar** (70,1%) ishsiz xotin-qizlar hunarmandlarga shogird sifatida birlashtirildi, natijada shogirdlar soni **26 foizga** ko'paydi.

Ayni paytda, Buxoro viloyati tajribasi asosida "**1000 ta tadbirkor ayolga - 1000 ta shogird**" loyihasini amalga oshirish ishlari olib borilmoqda.

III. Gender tenglikni ta'minlash, xotin-qizlarning ijtimoiy-siyosiy faolligini oshirish yo'nalishida:

1) Xotin-qizlar va erkaklar uchun teng huquq hamda imkoniyatlar kafolatlarini keng targ'ib qilish uchun gender masalalari bo'yicha **140 nafar trener** hamda **28 ta targ'ibot guruhlarini** shakllantirildi, **ular uchun bo'yicha o'quv seminarlari** bo'lib o'tdi.

2) Xotin-qizlar masalalarida yagona yondashuv asosida vazirlik va idoralar faoliyatini samarali tashkil etish va muvofiqlashtirish maqsadida **Xotin-qizlarning jamiyatdagi rolini oshirish, gender tenglik va oila masalalari bo'yicha respublika komissiyasi** tuzildi.

Komissiyaning ishchi organi sifatida **Oila va xotin-qizlar davlat qo'mitasi** belgilandi. Ushbu faoliyatni quyi tizimgacha yo'lga qo'yish maqsadida **mahalliy Kengashlarda hududiy komissiyalar** tashkil etildi.

3) "**Gender-madad**" elektron huquqiy maslahat platformasi hamda uning **mobil ilovasi** ishga tushirildi.

Ularga "**Ayollar huquqiy himoyasi**", "**Gender tenglik**", "**Ayollarga imtiyozlar**", "**Oilaviy munosabatlar**" va "**Oilaviy zo'ravonlik**" kabi huquqiy mavzularga oid ma'lumotlar bazasi joylashtirildi hamda huquqiy maslahatlarni **onlayn chat** orqali **berish tizimi yo'lga qo'yildi**.

3) "**Davlat boshqaruvida xotin-qizlar faolligini oshirish dasturi**" ishlab chiqildi.

Davlat boshqaruvi akademiyasi bilan hamkorlikda rahbar xotin-qizlarni tayyorlash bo'yicha **60 soatlik** malaka oshirish kurslarining o'quv reja-dasturlari ishlab chiqildi, o'quv reja dasturlar asosida tegishli vazirlik va idoralar bilan birgalikda o'quv kurslari tashkil etildi hamda **319 nafar** rahbar xotin-qizlar o'qitildi.

Shuningdek, davlat boshqaruvining turli sohalarida faoliyat olib borayotgan rahbarlik salohiyati va qobiliyatiga ega bo'lgan **25 055 nafar** xotin-qizlardan **zaxira kadrlar shakllantirildi**.

Bugungi kunda, ulardan **100 nafar** nomzod saralanib olindi va **12 sentabrdan** Davlat boshqaruv akademiyasida "**Rahbar ayollar maktabi**" o'quv dasturi asosida **48 nafari** o'qitilmoqda.

4) Tashkilot, korxonalar va muassasalarda ishlayotgan xotin-qizlarning ijtimoiy-siyosiy faolligini oshirish maqsadida **138 ta** markaziy muassasalarda hamda **19 123 ta** korxonalar va tashkilotlarda **xotin-qizlar masalalari bo'yicha boshlang'ich tashkilotlar faoliyati yo'lga qo'yildi**.

Ular faoliyatini tizimli tashkil etish maqsadida Davlat boshqaruvi akademiyasida **124 ta** boshlang'ich tashkilot raislari uchun **seminar-trening o'tkazildi**.

IV. Hududlarda, ayniqsa, qishloqlarda xotin-qizlarga ko'rsatiladigan tibbiy-ijtimoiy xizmatlar sifatini, ular o'rtasida sog'lom turmush tarzini ta'minlash borasidagi ishlar samaradorligini oshirish yo'nalishida:

1) Xonadonlarda sog'lom turmush tarziga rioya etilishi bo'yicha "Xonadon gigienasini baholash" elektron platformasi yaratildi.

2) 2 mln. 200 mingdan ziyod xotin-qizlar birlamchi tekshiruvdan, **650 mingga yaqin** nuroniy onaxonlar esa chuqurlashtirilgan tibbiy ko'rikdan o'tkazildi, natijada **4,5 mingdan ortiq** ayollarda **saraton kasalligi aniqlangan** bo'lsa, shundan **1,7 ming nafardan** ziyodida **saraton kasalligi barvaqt aniqlandi** va ularning tibbiy davolanishlari yo'lga qo'yildi.

3) 648 261 nafar nuroniy onaxonlar **chuqurlashtirilgan tibbiy ko'rikdan** o'tkazildi, ularning **127 289 nafari** zarur dori-darmonlar, oziq-ovqat, poyabzal bilan ta'minlandi, **15 126 nafari** sanatoriylarda davolanishlari tashkil etildi, **10 251 nafariga** reabilitatsiya vositalari taqdim etildi.

5) Farg'ona viloyati misolida mahallada ijtimoiy xizmatlarni yaxlit tizimini yaratish maqsadida **"Oila balansi"** namunasi yaratildi.

6) Xotin-qizlarni jismoniy tarbiya va sportga keng jalb etish borasida mahallalarda 10 411 ta sport to'garagi tashkil qilindi.

Bugungi kunga qadar xotin-qizlar o'rtasida sektorlararo **28 472 ta** sport musobaqalari, **"Sport malikalari"** sport haftaliklari, **"Sog'lom oila - Yangi O'zbekiston tayanchi"** shiori ostida uch bosqichli sport musobaqalari, **"Sport - nafislik va salomatlik manbai"** shiori ostida mehnat jamoalarida sport festivallari o'tkazildi. Ushbu tadbirlarda **257 621 nafar** xotin-qizlar faol ishtirok etdi.

V. Og'ir ijtimoiy ahvolga tushib qolgan xotin-qizlarga ijtimoiy-huquqiy, psixologik yordam ko'rsatish, ularni "Ayollar daftari" orqali manzilli qo'llab-quvvatlash yo'nalishida:

1) Og'ir ijtimoiy vaziyatga tushib qolgan 644 849 nafar xotin-qizlar **"Ayollar daftari"**ga kiritildi.

Bugungi kunga qadar daftarga kiritilgan **598 794 nafar** xotin-qizlarga (**92,9%**) **amaliy yordamlar ko'rsatildi**. Jumladan:

208 966 nafari (**97,4 %**) yangi ish o'rinlari va jamoat ishlariga joylashtirildi;

39 665 nafariga (**85,4 %**) tadbirkorlik faoliyatini yo'lga qo'yishlari uchun imtiyozli kreditlar ajratildi;

165 283 nafar (**92,1 %**) boquvchisini yo'qotgan ehtiyojmand xotin-qizlarga bir martalik moddiy yordamlar berildi, ularning **3 819 nafarining** uy-joylari ta'mirlandi;

117 108 nafar (**96,0 %**) ijtimoiy yordamga muhtoj 1 va 2 guruh nogironligi bo'lgan, shuningdek tibbiy muolajaga muhtoj ehtiyojmand xotin-qizlarga moddiy va tibbiy yordamlar ko'rsatildi, ularning **2 343 nafarini** uy-joylari ta'mirlab berildi;

8 874 nafar (77,7 %) uy-joyga muhtoj ehtiyojmand xotin-qizlarga yordamlar ko'rsatildi, jumladan ularning **2 547 nafari** uy-joy bilan ta'minlandi, **6 327 nafariga** ijara kompensatsiyasi to'lab berildi;

68 750 nafar (96,8 %) qaramog'ida nogironligi bo'lgan farzandi mavjud ehtiyojmand ayollarga moddiy yordamlar berildi, ularning **3 963 nafariga** tomorqadan unumli foydalanish uchun ko'maklashildi.

“Ayollar daftari”ga kiritilgan **32 342 nafari xotin-qizlar** uchun “O'zbekiston bo'ylab sayohat qil” dasturi doirasida ichki turistik sayyohatlar tashkillashtirildi.

2) “Ayollar daftari”ga kiritilganlardan tashqari, 1 830 nafar ijtimoiy himoyaga muhtoj xotin-qizlar uy-joy bilan ta'minlandi, **6 832 nafariga** uy-joy uchun boshlang'ich badal mablag'larini qoplab berish bo'yicha **subsidiyalar ajratildi**.

3) Oila va xotin-qizlarni qo'llab-quvvatlash maqsadli jamg'armasi mablag'lari hisobidan 4 342 nafar ijtimoiy himoyaga muhtoj xotin-qizlar jami **5 mrd. so'mlik reabilitatsiya vositalari** bilan ta'minlandi.

Shuningdek, **1 386 nafar** ijtimoiy himoyaga muhtoj xotin-qizlarga jarrohlik amaliyotlari va davolanish xarajatlari uchun jami **19,1 mrd. so'mlik mablag' yo'naltirildi**.

4) 27 540 ta oila (*shu jumladan, 27 216 ta kam ta'minlangan va 1 605 ta notinch oila*) **ichki turistik sayyohatlarga** jalb etildi.

5) 13 672 nafar boquvchisini yo'qotgan ayollar farzandlari uchun davlat maktabgacha ta'lim muassasalariga to'lanadigan **ota-onalik badalidan ozod etildi**.

VI. Jamiyatda xotin-qizlarga tazyiq va zo'ravonlikka nisbatan murosasizlik muhitini yaratish, xotin-qizlarning huquq va qonuniy manfaatlarini ta'minlash yo'nalishida:

1) Mutasaddi vazirliklar bilan hamkorlikda yuridik oliy ta'lim muassasalari o'quv reja va dasturlariga “Tazyiq va zo'ravonlikdan jabr ko'rgan xotin-qizlar bilan ishlash” mavzusi kiritildi.

2) Xotin-qizlarga nisbatan tazyiq va zo'ravonlikka murosasizlik munosabatini shakllantirish, huquqiy nigilizmga barham berish va fuqarolarning qonunga itoatkorlik hissini kuchaytirish maqsadida mahallalar va tashkilotlarda jami 16 620 ta tadbirlar o'tkazildi.

3) Profilaktik hisobda turgan 27 013 nafar xotin-qizlardan **14 669 nafari** moddiy-ma'naviy, ijtimoiy masalalarda amaliy yordam ko'rsatish orqali **hisobdan chiqarildi**.

4) Chekka hududlardagi mahallalarda istiqomat qiluvchi ayollarga ijtimoiy reabilitatsiya qilish xizmatini kengaytirish maqsadida 28 ta hududiy va namunali tumanlararo markazlar qoshida **181 ta “Ijtimoiy maslahatxona”lar** tashkil etildi.

Ushbu markazlar orqali **4 052 nafar** xotin-qizlarga **maslahat va tavsiyalar berilishi yo'lga qo'yildi**, shuningdek, markazlar faoliyatini samarali tashkil etish maqsadida **10,4 mrlld. so'm** miqdorida mablag' yo'naltirildi.

5) Jazoni ijro etish muassasalarida saqlanayotgan va ixtisoslashtirilgan o'quv-tarbiya muassasalarida tarbiyalanayotgan xotin-qizlar tomonidan qayta jinoyat sodir etishini oldini olish maqsadida:

6 ta jazoni ijro etish va manzil koloniyalarida "**Sen baribir muqaddassan, ayol**", "**Kitob - mening do'stim**", "**Baxtli bo'lish imkoniyati**" kabi mavzularda **davra suhbatlari va ma'rifiy-madaniy tadbirlar** tashkil etildi.

42-sonli manzil koloniyasida **60 nafar** xotin-qizlar tadbirkorlik ko'nikmalari bo'yicha **60 soatlik o'quv kursida o'qitildi**.

6) 1 716 nafar tarbiyasi og'ir voyaga yetmagan qizlarning **1 300 ta muammosi hal etildi**.

7) Toshkent viloyati Chinoz tumanidagi "**Respublika qiz bolalar ixtisoslashtirilgan o'quv-tarbiya muassasasi**"da tarbiyalanayotgan **231 nafar** qizlarda hayotiy ko'nikmalarni shakllantirish maqsadida uchrashuvlar tashkil etildi.

8) Bandlik va mehnat munosabatlari vazirligi va O'zbekiston kasaba uyushmalari Federatsiyasi bilan hamkorlikda **6 552 ta** tashkilotlarda xotin-qizlarning mehnat huquqlari ta'minlanganlik holati o'rganildi.

9) Uzoq muddatga yashash joyidan chiqib ketgan shaxslarning **39 364 nafar** farzandlarini ijtimoiy-psixologik qo'llab-quvvatlash ishlari tashkil etildi.

10) Ichki ishlar organlari bilan hamkorlikda tazyiq va zo'ravonlikdan jabrlangan **37 959 nafar** xotin-qizlarga himoya orderi berish natijasida **18 839 ta oilani yarashtirishga, 16 298 ta nizoni bartaraf etishga** erishildi, **4 744 ta** holatda ma'muriy yoki jinoiy javobgarlik belgilanib, xotin-qizlar huquqlari tiklandi.

11) Huquqni muhofaza qiluvchi organlar bilan hamkorlikda xotin-qizlar tomonidan sodir etilgan **6 871 ta** jinoyat keng jamoatchilik ishtirokida muhokama etildi.

12) "Oila va xotin-qizlar" ilmiy-tadqiqot instituti tomonidan "**Oilada zo'ravonlikni oldini olish kompleks sotsiologik tadqiqoti**", "**Oilada jinoyatlar va zo'ravonliklar, oiladagi kriminogen muhit, kelib chiqish sabablarini tadqiq etish**", "**Xalqaro standartlar asosida oilada zo'ravonlikdan jabr ko'rgan xotin-qizlarga ijtimoiy, huquqiy, psixologik xizmat ko'rsatishni takomillashtirish**", "**O'z joniga suiqasd qilgan yoki o'z joniga qasd qilishga moyilligi bo'lgan xotin-qizlarga kompleks yordam ko'rsatish**" mavzularida qisqa muddatli ilmiy-tadqiqot loyihalari o'tkazildi.

13) Mahallalarda xotin-qizlar va ularning yaqin qarindoshlari o'rtasida olib borilgan tushuntirish ishlari natijasida **355 225 nafar migrant xotin-qizlarning o'z xonadonlariga qaytarilishi** ta'minlandi.

VIII. Oilaning tarbiyaviy-ta'lim salohiyatini mustahkamlash, jamiyatda oilaviy qadriyatlarni saqlash, oilalarda ma'naviy-axloqiy muhitni yaxshilash va ularning farovonlik darajasini oshirish yo'nalishida:

1) Oilalarda ma'naviy-ahloqiy qadriyatlarni mustahkamlash, milliy an'analarni asrab-avaylash borasida **"Farovon oila kelajak poydevori", "Qadriyatlarimiz - bebaho boyligimiz"** shiori ostida **97 566 ta** ma'naviy-ma'rifiy targ'ibot tadbirlari o'tkazildi.

Ayni paytda, **"Buvijonlar ma'rifati", "Qizlar sayli", "Dugonalar davrasi"** kabi turkum ma'rifiy tadbirlar davom ettirilmoqda.

2) Tuman (shahar)lardagi **"Yoshlarni oilaviy hayotga tayyorlash markazlari"**da **53 930 nafar** nikohlanuvchi yosh yigit-qizlar mutaxassislar tomonidan o'qitildi.

3) Xotin-qizlar o'rtasida kiyinish madaniyatini targ'ib etish, milliy liboslarga mehr uyg'otish maqsadida **"Osiyo ramzi"** dizaynerlar uyushmasi bilan birgalikda **53 nafar targ'ibotchi-dizaynerlar tayyorlandi.**

Bugungi kunda ular tomonidan joylarda targ'ibot tadbirlari o'tkazilmoqda. Milliy qadriyatlarmizga aylangan liboslarni xotin-qizlar o'rtasida keng targ'ib qilish, ularda milliy g'urur, faxr uyg'otish maqsadida **"Xon atlas "** festivali o'tkazildi, ushbu tadbirda **8 mln.** dan ziyod xotin-qizlar faol ishtirok etishdi.

Sirdaryo, Samarqand, Toshkent viloyatlari va Toshkent shahrida **"Milliy liboslar" markazlari** ochildi.

Barcha hududlarda "Milliy liboslar-millatimiz ko'zgusi", "Milliy libos - millat qiyofasi" shiori ostida **7 640 dan** ziyod tadbirlar, ko'rgazmalar, ko'rik-tanlovlar, davra-suhbatlari o'tkazilib, ushbu tadbirlarga **42 380** dan ziyod aholi jalb etildi.

208 ta tuman va shaharlarda **503 ta "Onalar bog'i"** tashkil qilindi.

Bu yil mamlakatimizda ilk marotaba **15 oktabr - "Xalqaro qishloq ayollari"** kuni keng nishonlandi, unda qishloq hududlaridagi **6 mingga** yaqin mahallada istiqomat qilayotgan **9 mln.** dan ziyod xotin-qizlarning kattayu kichik barchasiga bayram kayfiyati to'liq yetib borishi ta'minlandi.

4) Xalqaro tashkilotlar bilan hamkorlikda quyidagi chora-tadbirlar amalga oshirildi:

- BMT Aholishunoslik jamg'armasi (YuNFPA)ning O'zbekistondagi vakolatxonasi hamkorligida Qoraqalpog'iston Respublikasining Mo'ynoq, Bozotau, Qo'ng'iro't tumanlarida **"Ayollar daftariga kiritilgan qizlar tadbirkorlik, shaxsiy salohiyatini oshirish"**ga yo'naltirilgan seminar-treninglar o'tkazilib, unda qatnashgan **250 nafar** xotin-qizlar o'qitildi va ulardan **10 nafarining** biznes rejasi moliyalashtirildi;

Ayni paytda, ushbu jamg'armaning **383 ming AQSh dollari** miqdoridagi mablag'lari hisobidan **chegaraoldi hududlardagi qishloq ayollarining biznes loyihalari yo'lga qo'yilmoqda** va bosqichma-bosqich moliyalashtirilmoqda;

- Jahon banking 2,7 mln AQSh dollari miqdorida grant mablag'lari hisobidan **Farg'ona viloyatining** Furqat, Uchko'prik, Yozyovon, Qo'shtepa va

Jizzax viloyatining Yangiobod, Baxmal, Forish, Zomin tumanlarida “**Ayollar daftari**”ga kiritilgan chekka qishloqlardagi jami **58 nafar** ayolni ish bilan ta’minlash, **3 500 nafarini** tadbirkorlik ko’nikmalariga o’qitish, **350 nafarining** biznes-rejalarini moliyalashtirish choralari ko’rilmoqda;

- **BMTning Bolalar jamg’armasi (YuNISEF)** bilan hamkorlikda professional ijtimoiy xizmatlarni joriy etish bo’yicha Surxondaryo viloyatining **5 ta** tumanida **seminar-treninglar tashkil etildi** hamda ushbu viloyatning **721 nafar** mahalla xotin-qizlar faollari **planshetlar bilan ta’minlandi**;

- **Yevropa Ittifoqi** va **YuNISEF** tomonidan **Surxondaryo viloyatida** inklyuziv ta’lim, ijtimoiy xizmatlar va huquqiy yordamdan foydalanish imkoniyatlarini **kengaytirish dasturi** ishga tushirildi;

- Yevropa Ittifoqining **1,6 mlrd yevro mablag’lari hisobidan Surxondaryo viloyatida 35 mingga** yaqin aholini inklyuziv ta’lim, ijtimoiy xizmatlar ko’rsatishga o’qitish va huquqiy yordam berish va moddiy-texnik bazalar olib berish loyihasida ijrochi agentlik etib belgilandi;

- AQShning **Xalqaro taraqqiyot agentligi (USAID), Astrum IT Akademiyasi** bilan hamkorlikda Toshkent viloyati Yuqorichirchiq tumanida “**200 nafar dasturchi qiz**” loyihasi **boshlandi** va mazkur loyiha doirasida **200 nafar** xotin-qizlar **6 oylik kurslarda** AKT, ingliz tili bo’yicha o’qitiladi va tadbirkorlikka yo’naltiriladi;

- **BMTning (YuNISEF)** Bolalar jamg’armasi hamkorligida “**Qurolli mojaroli hududlardan qaytarilgan ayollar va bolalar bilan ijtimoiy ish asoslari**” mavzusida sohaga tegishli **12 viloyat** va tumanlarning mahalla faollari uchun seminar-treninglar o’tkazilib, o’qitildi;

- Yelning “**BOMKA**” dasturi asosida **Buxoro, Xorazm, Samarqand, Surxondaryo, Samarqand, Qashqadaryo** viloyatlarida gender tengligi va migratsiyadan qaytarilgan ayollarni kasb-hunarga tayyorlash mavzusida seminar-treninglar tashkil etildi.

5) Qo’mita hamda hududlardagi boshqarmalar faoliyatiga doir amalga oshirilgan ishlar markaziy va mahalliy ommaviy axborot vositalari orqali **33 ming 408 marotaba**, shundan televideniada – **3 ming 840**, davriy nashrlarda – **2 ming 930**, radioda – **1 ming 298**, rasmiy saytlarda - **1 ming 466 marotaba**, internet va ijtimoiy tarmoqlarda – **27 ming 568 marta** yoritildi.

Bundan tashqari, Oila va xotin-qizlar davlat qo’mitasi Axborot xizmati tomonidan **5 ta** Brifing, **3 ta** Matbuot anjumani, **1 ta** Xalqaro xotin-qizlar forumi, **1 ta** Xalqaro qishloq ayollari forumi, **4 ta** Mediaturo o’tkazildi.

O‘zbekiston Respublikasi
Oila va xotin-qizlar
davlat qo‘mitasi